



Republika e Kosovës
Republika Kosova-Republic of Kosovo
Qeveria-Vlada-Government

Ministria e Ekonomisë
Ministarstvo Ekonomije - Ministry of Economy

DOKUMENT KONSULTIMI PËR KONCEPT DOKUMENTIN
PËR ENERGJINË TERMIKE

Përmbledhje e shkurtër rreth Koncept Dokumentit për Energjinë Termike

Sektori i energjisë termike në Kosovë përballlet me një mori sfidash që kanë të bëjnë me mangësitë e trajtimit ligjor të problemeve të funksionimit praktik dhe mungesën e dispozitave që do të mbështesin realizimin e planeve për zhvillimin domethënës që parashihet të ndodhë këtë fushë. Ligji aktual për Energjinë Termike nuk është përditësuar për të pasqyruar avancimet dhe nevojat e dekadës së fundit dhe kjo ka bërë që aktualisht të ekzistoj një mospërputhje ndërmjet kërkesave të sektorit dhe kornizës ligjore përkatëse. Për më tepër, korniza aktuale ligjore nuk siguron transpozim të plotë të disa aspekteve relevante të kornizës ligjore të BE-së.

Megjithatë korniza ekzistuese ligjore është e pamjaftueshme për ofrimin e kuadrit të nevojshëm ligjor i cili do të shërbente për promovimin e ndërtimit të kapaciteteve të reja të bashkëprodhimit të energjisë nëpër komunat e Kosovës, përfshirjen më aktive të autoriteteve komunale në zhvillimet e tilla, promovimin e konkurrencës me qëllim të përmirësimit të shërbimeve dhe sigurimit të kostos reale dhe stabile për shërbimin e ofruar, rregullimin adekuat të mënyrës së qasjes në prona publike dhe private për nevoja të shtrirjes së rrjetit, adresimin e mënyrës së mbulimit me energji termike të hapësirave të përbashkëta, adresimin e përgjegjësisë për mirëmbajtje dhe operim të rrjetit përkatës si dhe sqarimin e situatave kontestuese me qëllim të parandalimit të kontesteve gjyqësore. Po ashtu, baza aktuale ligjore nuk përkon me obligimet e Kosovës në raport me Komunitetin të Energjisë dhe me zotimet në kuadër të Deklaratës së Sofjes, lidhur përmirësimit të efijencës së energjisë në sektorin e ngrohjes dhe përfshirjen e formave alternative të prodhimit të energjisë në funksion të tranzicionit energjetik dhe zvogëlimit të ndotjes mjedisore.

- Objektivat e parapara në Koncept Dokumentin e Energjisë Termike

- Hartimi i Ligjit të ri për Energjinë Termike si dokument kryesor ligjor që integron dhe zëvendëson dispozitat e fragmentuara nëpër dokumente të shumta, duke vendosur fokusin në energjinë termike për ngrohje/ftohje, si dhe duke siguruar qartësi dhe trajtim adekuat të aspekteve lidhur rregullim e prodhimit, shpërndarjen dhe furnizimin e energjisë termike;
- Vendosja e dispozitave ligjore që mbështesin zgjerimin e kapaciteteve të bashkëprodhimit dhe integrimin e burimeve të ripërtëritshme të energjisë si dhe teknologjive alternative dhe të dëshmuara të energjisë me qëllim të uljes së varësisë nga energjia elektrike;
- Krijimi i kornizës së qartë për matjen, faturimin dhe informimin e konsumatorëve në mënyrë specifike lidhur me energjinë termike për ngrohje/ftohje;
- Krijimi i një kuadri ligjor që përcakton qartë rolet dhe përgjegjësitë e autoriteteve komunale, institucioneve qendrore dhe operatorëve të energjisë termike për të lehtësuar koordinimin dhe

bashkërendimin më të mirë të aktiviteteve lidhur me planifikimin dhe menaxhimin e investimeve në fushën e energjisë termike;

•Qartësimin dhe avancimin e mëtejshëm të mekanizmave të monitorimit dhe raportimit, për të garantuar transparencë, monitorim të progresit dhe adresim eficient të çdo kontesti, duke përmirësuar kështu qeverisjen dhe llogaridhënien e përgjithshme brenda sektorit.

Qëllimi i konsultimit

Ministria e Ekonomisë e vlerëson shumë konsultimin me palët e interesit. Roli i palëve të interesit dhe i publikut të gjerë në çështjen të cilën e adreson Koncept Dokumentin për Energjinë Termike është shumë domethënës për ME si institucion sponsorizues. Prandaj, kontributi juaj paraprak me shkrim do të jetë shumë domethënës dhe përmbajtjesor. Ministria e Ekonomisë mbetet e përkushtuar që kontributin tuaj përmes komenteve dhe sugjerimeve të ofruara t'i përfshijë brenda Koncept dokumentit.

Afati përfundimtar për dorëzimin e përgjigjeve

Afati përfundimtar i dorëzimit të kontributit me shkrim në kuadër të procesit të konsultimit të Koncept dokumentit për Energjinë Termike është **15 ditë pune nga momenti i publikimit**.

Të gjitha kontributet me shkrim duhet të dorëzohen në formë elektronike në e-mail adresën rina.kryeziu.rogova@rks-gov.net me titull: Kontribut ndaj procesit të konsultimit për Koncept Dokumentin për Energjinë Termike .

Ju lutemi që në kuadër të kontributit tuaj me shkrim, të specifikoni qartë së në çfarë cilësie jeni duke kontribuar në këtë proces konsultimi (p.sh. në cilësi të përfaqësuesit të organizatës, kompanisë, në cilësi individuale, etj.)

Komentet nga organizatat

Ju lutem, që komentet tuaja të ofrohen sipas udhëzimeve të shënuara më poshtë:

Emri i organizatës që jep komente:

Fushat kryesore të veprimit të organizatës:

Informatat e kontaktit të organizatës (adresa, e-mail, telefoni):

Data e dërgimit të komenteve:

Forma e kontributit është e hapur, mirëpo preferohet që kontributet tuaja t'i përfshini në kuadër të tabelës së bashkëngjitur më poshtë në këtë dokument, e cila përfshin çështjet kyçe të këtij dokumenti.

	Çështjet kyçe	Komente rreth draftit aktual	Komente shtesë
1			
2			
3			

Bashkangjitur me këtë dokumenti gjeni Koncept dokumentin për Energjinë Termike.